



姓韻卷八十七

或威張



質韻下

匹 見姓苑

西秦錄乞伏國仁時隴西鮮卑匹蘭率眾五千降蘭執秦王  
廣送于後秦姚萇

西秦錄左衛將軍匹達大破彭利和于涇川又熾磐克西涼  
以左衛將軍匹達為涇河太守因討乙弗密乾降其三千餘  
按晉書載紀作匹達誤或作四達尤誤

西秦錄乞休文支遣將軍足珍赴之熾磐引軍去

北史長孫肥追柔然帥匹候跋至涿邪山匹候跋舉眾降

匹婁氏見官氏志

魏書贈司徒匹婁內子為齊神武皇后生文襄文宣孝昭

武成

魏書吐谷渾拾寅遁渠帥匹婁拔累率所領降附

室 見姓苑

帝王世紀秦時有西域沙門室利房聘秦始皇以為異因之  
夜有金人破戶出

宋史室种為遼相昉之子歸朝為諸衛將軍析津人謝昉得  
上雷丞相書洪忠宣拘于燕山室撚敬其人問曰天下何時  
太平對曰兵息養民則太平撚當即昉之後也洪浩言于檜  
云室撚寄聲檜益怒

金史石琚常舉室紹先為右司員外郎紹先中風暴卒世宗  
甚惜之詔琚曰卿之所舉也 歎者再三

室孫氏見姓苑

姓苑古賢人有室孫氏著書

室中氏按一作室中又作空中此姓諸書無今補

漢藝文志有室中周著書十篇室一作室王莽時室中公避地漢中

漢書功臣表清簡侯室中同以弩將初起從入漢以都尉擊項羽代侯比彭侯戶千孝惠元年頃侯聖嗣孝文八年康侯鮒嗣元狩三年共侯古嗣元鼎四年侯生嗣一年坐酎金免元康四年同子孫高宛簪裏成詔復家按古一作右

室

室中氏史記索隱引風俗通云室中人姓

水經注漢高帝八年封室中同于清按今史記作室中同

筆 姓苑人姓有筆

日 見莊子疏

莊子肩吾見狂接輿接輿曰日中始何以語汝成子英疏云日中始賢人肩吾之師

西域傳星靡死子雌粟靡代小昆彌烏就屠死子拊離子安

日為小昆彌日貳止阻康居漢徙已校尉屯姑墨欲候便討焉安日使貴人姑莫匿等三人詐云從日貳刺殺之是西戎姓也

晉書河西鮮卑日六延叛石勒石虎討之敗延于朔方

嘉慶時官生錄有日英第湖南人捐吏目

日律氏魏畧鮮卑西部大人有日律氏

出見姓苑

南燕錄阿交羅遐段速骨之謀主也以高陽王崇幼弱更欲  
立農崇親信穢讓出力韃等聞之殺羅及農

魏書離石胡出以眷叛魏魏討之出以眷引夏兵邀擊劉絜  
禽之

侯白啟顏錄開皇中有人姓出名六斤欲參楊素齋名紙至  
省門遇侯白請為題其姓乃書曰六斤半名既入素召其人

問曰卿姓六斤半答曰是出六斤曰何為六斤半曰向請侯  
秀才題之當是錯矣即召至謂曰卿何為錯題人姓名曰不  
錯自在省門會遇無處稱聞道是出六斤斟酌只應是六斤  
半素大笑

明史熊廷弼傳有出嘉棟孫杰劾馮一燦以用出嘉棟卜年  
為罪

題名錄出科聯泉州府惠安縣人乾隆己未進士按駕幸翰  
林院作栢梁體詩庶吉士出科聯與焉

出連氏見西秦錄

西秦錄有征虜將軍出連輔政熾盤以宣朔將軍出連輔政  
為梁州刺史顛赤水宋元嘉四年仇池楊元遣其將苻白作  
圍西秦梁州刺史出連輔政于赤水城中糧盡民執輔政以  
降至駱谷輔政逃還尚書右僕射沙州刺史出連虔丞相南  
川宣公熾盤以虔為都督嶺北諸軍事涼州刺史

西秦錄乞伏述延以出連高胡為右輔將軍鎮至便川乞伏  
乾歸以南川侯出連乞都為丞相按乞都曾為右輔將軍又  
有雍州刺史出連本

出累氏此姓諸書無今補

西秦錄乞伏熾盤攻禿髮儁檀三河太守吳陰于太守白土

克之以出累代為太守

出就氏見辯證按此誤宜刪

出大汗氏見官氏志按一作步大汗氏

實 見姓苑路史

述 見風俗通

五代史東漢世家兀欲聞是自立頗幸中國多故乃遣其貴  
臣述軋高勳以自愛黃驕九龍十二稻玉帶報聘泣云兀欲  
契丹永康王名是東漢主劉昱也

述律氏見五代史元史

五代史契丹阿保機稱皇帝謂之天皇王以妻述律氏為皇后述律后勇決多權變阿保機行兵御眾述律后常豫其謀阿保機嘗度磧擊黨項畱述律后守其帳黃頭臭泊二室韋乘虛合兵掠之述律后知之勒兵以待大破之由是名震諸  
夸

却

見姓苑

靺

靺和氏見官氏志按氏族畧作靺和氏誤

因

廣韻因姓也姓源韻謚因人姓也音逼

蛭

見姓苑

北魏書蛭拔寅勅勒部人兄地干生盜食官馬依制命死拔寅自誣已殺兄曰實非弟殺兄弟爭死詞不能定魏孝文詔  
原之

喬

此姓諸書無今補

左文十年傳楚范巫喬似謂成王與子玉子西曰三君皆將  
強死注喬似范邑之巫

朕

集韻朕音橘廣韻人姓也出韻謚又見纂要即古聿字海篇

居律切姓也一作改

橘 此姓諸書無今補

唐書貞元二十一年日本國遣使來朝留學生橘免勢學問  
按此夸姓也

悉 見姓証

呂氏春秋神農師悉諸注悉姓諸名

唐書開元時吐蕃遣副使浪些紇夜及悉獵來朝悉獵頗曉  
書記先曾迎金城公主至長安朝廷皆稱其才辯及是上引  
入內宴并語甚凡之賜以紫袍金帶

悉羅氏此姓諸書無今補

前燕錄慕容皝揚威將軍淑虞攻鮮卑悉羅侯于平岡破斬  
之

前燕錄悉羅騰字淑龍涿鹿人工圍棋究盡其妙慕容垂請  
尚書郎悉羅騰從軍與桓溫戰禽段思又悉羅騰與虎賁中  
郎將梁干津擊斬故趙將李述暉滅徙秦拜三署郎後謀殺  
堅被誅

悉雲氏見官氏志

悉居氏見氏族畧

悉煩氏此姓諸書無今補

宋書檀道濟至高梁亭斬魏濟州刺史悉煩庫結按一作奚  
煩

悉諾邏氏此姓諸書無今補

新唐書吐蕃傳吐蕃酋長悉諾羅恭祿與燭龍莽布支陷瓜  
州蕭嵩縱反間殺之

新唐書吐蕃使悉諾勃海納貢並以幣器徧遺執政

悉怛氏此姓諸書無今補

唐書文宗時吐蕃悉怛謀請降盧勣勸李德裕納之按舊唐

書杜佑傳先是李德裕鎮西川維州吐蕃酋領悉怛謀以城

來降德裕奏之執政者與李不協遽勒還其城

悉多氏此姓諸書無今補

韋皋傳殺吐蕃臘城酋悉多楊朱

悉那氏此姓諸書無今補

唐書神武皇帝時吐蕃悉那邏及燭龍莽布支攻陷瓜沙節  
度使王君毘大敗死按即悉諾羅也

悉獨官氏見魏書

魏書宇文歸大人悉獨官為慕容翰所敗

悉什盧氏見官氏志

佚 見韋昭國語注姓謚路史

左僖公三十年傳秦晉圍鄭佚之狐言于鄭伯曰國危矣若使燭之武見秦君師必退燭之武辭曰臣之壯也猶不如人今老矣無能為也注鄭大夫

龍城錄唐有學士佚行水與褚無量陸堅康子元馬懷素張說等凡四十七人分司集賢院典籍

疾

正字通洪武時進士疾敬按疾敬清遠人統謚作弘治貢士

術 見姓苑

楚策術視伐楚楚令昭鼠以十萬軍漢中昭睢勝秦于重丘

注云術視秦人

秩 姓苑秩人姓也音執

帙 纂要帙人姓

宓 見漢書孟康注皇甫謐說

列仙傳尹喜姓宓名喜成紀人字公文庖義後母夢天下絳綃綬身長人飛入口而生于成王丁巳四月初八日康王時舉為大夫知老子過關乃求為函谷關令其婦莊氏亦好道

老子留百數日授以道德經其從弟軌字公度居唐國之陽  
少學天文識緯從尹學喜教服黃精花授諸道經自稱尹道  
士與萼陰杜冲同講脩煉

晉志文帝時宓生創紀大傳其言五行庶證備矣

江南志康熙時金檀縣典史宓廷桓慈谿人升經歷

王元美別集宓大麟官蘇州檢校

縉紳錄嘉慶時宓樹馨慈谿人任三河縣典史宓惟梅雲州  
驛丞海寧州人

密 見世本

史記齊桓公密姬生懿公商人

姓謹漢有尚書密忠按漢有尚書審忠廉忠疑密為審字之  
訛

唐龍興寺經幢有密漸邦

宋史密佑性剛毅質直咸淳人為江西都統與元兵戰敗不  
屈死

氏姓謹密定金筑安撫司人洪武初歸附授安撫使密鏞陽  
谷人正統舉人官鳳陽同知有賢聲子聰舉人正德中官內  
黃知縣密顯陽谷人弘治中河內縣丞

密貴氏此姓諸書無今補

西秦錄乞伏乾歸有左輔將軍密貴周勸乾歸稱藩納質于涼既而悔之遂誅周又范川王乞伏國仁帥騎三萬襲鮮卑大人密貴裕苟提倫三部于六泉

密須氏見世本

密草氏見姓苑

密茅氏見姓苑

密如氏見路史

帥 見廣韻

廣韻晉尚書郎帥曷按氏族畧引作率誤

唐書帥夜光者善視鬼帝密召張果坐使夜光視之不見果所在夜光者薊州人少為浮屠至長安因九仙公主得召見

溫泉帝奇其辯賜冠帶授四門博士按藝文志帥夜光三子

異義三十卷夜光幽州人開元二十年上授校書郎直國子

監與唐書說不同又按宣室志夜光貧不能西去沙門惠達

資錢七千萬且曰子為明天子臣必有擁慧簪于門者幸无

忘半面之舊既夜光貴惠達詣之夜光以為收債不憚惠達

悟其旨辭去夜光慮其再來密書與薊門帥張廷珪言惠達

誣有逆謀廷珪怒召惠達鞭殺之後夜光白日見惠達至怒  
洩之數日卒

列仙傳宋有帥子廉衡州農夫愚朴不遜眾謂之帥牛後尸  
解一作率

氏族畧帥範靈石人元祐進士調岢嵐軍政兵民感慕帥揚  
南豐人天聖進士

氏姓誼帥性建昌人洪武進士帥詳安居人官御史帥用昌  
永樂中南充知縣有愷悌慈良之化帥中醴陵人舉人弘治  
中國子監丞帥機臨川人隆慶戊辰進士官郎中帥蘭江夏

人隆慶辛未進士官奉新人萬曆丙辰進士官御史

江西志乾隆初帥念祖字蘭皋奉新人進士官都御史

帥靈干氏此姓諸書無今補

包汝楫南中紀聞云一軍將姓帥靈干名係係苗種

率 見姓苑路史

五代史周世宗以率汀伐荆罕儒為團練使桉率汀為殿中  
使侍御史與劇可久等定刑統三十卷

氏姓謚率慶高昌人嘉靖中任平度州判官

律 見姓苑

集古印謚漢有律公子

逸 見姓苑

晉書東夸傳年奴國帥逸芝惟

唐書回鶻國相逸隱啜殺烏介可汗于金山

恤

禮記恤由之喪哀公使孺悲之孔子學士喪礼

弼 姓苑弼人姓

叱 見姓謚

夏錄赫連勃勃以叱以捷為征西將軍尚書左僕射

魏書侯呂隣部大人叱代為寇于苦水河太祖大破之

陝西通志叱驪蒲城人雍正癸卯進士官隴西教授

甘肅通志叱大倫階州貢生

縉紳錄嘉慶時涇陽縣教諭叱兆鵬

叱干氏見夏錄

夏錄赫連勃勃奔于叱干部帥叱干他斗伏送勃勃于魏他

斗伏兄子阿利戌大洛川諫之不從乃篡取勃勃送于秦

夏錄將作大匠叱干阿利為勃勃蒸土築城按勃勃以阿利

為御史大夫封梁公弟阿利羅引為征南將軍司隸校尉按

魏時鄴道元水經注赫連龍昇七年於黑水之南遣將梁公叱干阿梨改築大城名曰統萬城蒸土加功雉崇墉若新梨利字不同

魏書幽州刺史叱干寶樂與右衛將軍破六韓常秦州刺史万俟普撥其子太宰受洛干奔東魏

魏書宇文貴破破六汗拔陵之帥叱干麒麟

周書太祖紀万俟普撥遣其將叱干寶洛領二千騎來從軍按寶作保

北齊書齊軍晉州敗後殺身成仁者有儀同叱干苟生鎮南

兖州周帝破鄴赦書至苟生自縊死

唐書張延賞傳西川兵馬使張拙襲成都為亂延賞奔鹿頭戍拙酣醉不設備延賞謀知之遣將叱干遂捕斬拙復成都叱奴氏見官氏志

夏錄赫連勃勃遣將軍叱奴侯提率步騎二萬攻毛德祖于蒲坂以侯提為并州刺史

魏書紇奚部帥叱奴根舉兵反安遠將軍庾岳討滅

西魏書開府叱奴興入周與尉遲迴同伐蜀周書後與趙貴謀反誅

周書文帝后叱奴氏生武帝及殂周主居倚廬朝夕進一溢米又有光祿大夫叱奴祐

北齊書思好既敗死時帝在道叱奴世安自晉陽送露布于平都遇斛斯孝卿孝卿誘使食因馳詣行宮叫已了帝大歡笑世安乃以狀自陳

叱羅氏見官氏志路史

魏孝文帝比干墓碑文有直閣或衛中臣河南郡叱羅吐蓋西秦錄叱盧烏孤跋為乞伏國仁建威將軍其部將叱羅疾周書晉公護傳叱羅協代人本名與周武帝諱同後改協為

大將軍尉遲迴長史率兵伐蜀行潼州事平氏酋趙雄傑等魏恭帝三年太祖徵協入朝賜姓宇文氏後復姓護誅除協名建德三年以協宿齒授儀同三司卒子金嗣

周書周使開府儀同三司叱羅暉等擊譙淹斬之俘其眾梁書任約遣叱羅通襲梁邵陵王綸綸不為備策馬亡走按杜幼安傳作子通為侯景儀同被杜幼安殺

叱列氏見姓誼按一作叱伏列氏

後魏書叱列延慶代人曹祖鑰石太武帝賜齋臨江伯父億彌襲封按延慶與都督侯淵討劉靈助斬之官驃騎大將軍

儀同三司後為齊神武殺

後魏書帝與無上王邵始平王子正俱出帳外尔朱榮先遣西部高車叱列殺鬼侍帝側詐言防衛抱帝入帳即殺邵等按殺鬼即叱列平也

後周書叱列伏龜字摩頭陀西部人封長樂縣公容貌瓌偉進止詳雅有武藝自齊來降賜驃騎大將軍子椿字千年世宗時拜車騎大將軍

魏書勅勒叱列步若反于次陽尔朱榮滅之

北齊書西兗州民田龍聚眾應盧仲延以任延敬為大都督

東道軍司率都督元整叱列陀等討之

北齊書叱列平字殺鬼代郡西部人有容貌美須髯善騎射

持節虜州刺史除廓州刺史進爵為廕陶侯子孝中嗣弟長

又武平末侍中開府儀同三司封新寧王隨開皇中上柱國卒于涇州長史雖無他技前在官以清幹著稱按周書齊遣侍中叱列長义聘于周長义降周為小司徒隨公堅以為相州刺史後為蘭州總管守臨洮為突厥所敗义一作义又作文

唐書突厥叱列元崇反太后命姚元崇以字行元崇字元之

按舊唐書作叱利元崇

叱利氏見官氏志

齊書平秦王歸彥與賀拔仁斛律金擁楊愔燕子獻等唐突  
入雲龍門見都督叱利騷招之不進使騎殺之

舊唐書時突厥叱利元崇構逆則天不欲姚元崇昇之同名  
乃改為元之

叱呂氏見官氏志按一作叱閭

魏書高祖十三年蠕蠕別帥叱呂勤率眾內附

金石錄後魏神龜二年歲次戊午十一月壬午朔十日壬辰

起工三十萬叱閭神寶脩治闕城並作館第敬造浮圖七級

按趙明誠以官氏志元和姓纂無叱閭氏蓋其闕漏不知叱

閭之即叱呂也

叱李氏見官氏志按叱李即叱利亦即叱列也

隨書突厥傳上令蘭州總管叱李長義守臨洮樓周書作叱

列長義義一作义

叱力氏此姓諸書無今補

魏書世祖紀吐谷渾酋長叱力延太武帝貞君五年封歸義

王

叱門氏見官氏志

叱靈氏見北史

西秦錄乞伏述延以叱靈那胡為率義將軍按此一作叱盧那胡

叱雷氏見複姓錄按一作吐雷

叱盧氏見西秦錄官氏志路史

西秦錄乞伏述延以叱盧那胡為率義將軍鎮牽屯山又云乞伏國仁建威將軍叱盧烏孤跋擁眾叛保牽屯山國仁討之斬其部將叱羅侯跋懼降復其官爵熾盤遣平遠將軍叱

盧捷等襲河西戰于臨松禽其將沮渠白蹄

叱溫氏見官氏志

叱茅氏見姓苑

叱豆氏鮮卑姓見西秦錄此姓諸書無今補

西秦錄鮮卑叱豆渾來降于乾歸

叱列伏氏見周書按一作叱伏列氏即叱列氏後省伏字

周書驃騎大將軍叱列伏龜字摩頭陁代郡西部人先為齊神武大都督降周為北雍州恒州刺史封長樂宮公生椿椿字千年明帝時拜驃騎大將軍保定二年授幽州刺史天和

初除左官伯進位大將軍按可作叱伏列氏誤  
叱呂引氏此姓諸書無今補

隨書觀德王雄初名惠高祖族子也父納仕周歷八州刺史  
儻城縣公賜姓叱呂引氏

失

韓非子三苗之臣失度

失利波羅氏此姓諸書無今補

寰宇記盤盤國東南有哥羅王姓失利波羅名米失鉢羅

汨

氏姓謚汨澄尋州人正德中任彭澤縣主簿

適

氏族畧宋有適復開寶二年以太常博士通判秦州

必

見姓苑

羣輔錄遂人四佐必有受稅俗注受賸稅及徭役所宜施為  
也按路史作畢旒

氏姓謚宋有嘉熙進士必贊

苾

見姓苑

苾悉氏此姓諸書無今補

唐書突厥傳郁射施大酋苾悉頡力款邊詔拜頡力左武衛  
將兼刺史雁門郡公

鄭 見姓苑

凍 見姓苑音七水名

草 見姓苑音畢

聿

鐘鼎款識銘曰聿遠作尊鬲永寶用按商人也

後周書有聿修

陝西志聿思敬晉寧人泰定初為清澗尹先是邑民以旱逃

徙者甚眾思敬招撫復業他郡之民皆賴之

黜

黜弗氏見官氏志

魏書柔然社論方睦于秦遣將救黜弗素古延

黜容氏見後魏書

姓韻卷八十八

五物

物

氏族畧宋昌化人物奴淳熙中進士按奴一作孥

按七經孟子考文補遺一百九十九卷原本題西條掌書記

山井鼎撰東都講官物觀校勘其序文蓋鼎先為考文而觀

補其遺也觀字茂卿為是書作序稱唐以前王段吉備諸氏

所齋來古博士之書也山井鼎物觀皆日本人

或威張 澍纂

勿

集古印謚漢有勿龍

南匈奴傳鮮卑大人有勿柯

後燕錄晉豫州刺史朱序斬慕容永部將勿支

勿怛于氏見官氏志按一作万怛于氏

勿鄧氏此姓諸書無今補

五代史明宗以大渡河山前邛川六姓都鬼主懷安郡王勿

鄧標蒞為定遠將軍按一作勿定誤

佛

論語佛肸按說苑作拂肸古今人表作弗肸新序佛肸以中  
牟叛置鼎于庭致士大夫曰鼻我者受邑不吾鼻者烹大夫  
皆從之中牟之邑人田單褰衣將就鼎佛肸脫衣而生之而  
賞之楚

宣室志佛陀薩者籍編于岐陽法門寺自言姓佛氏陀薩名  
也獨行政隴間貌類童騃人給資用轉予窮餓者里人益憐  
其心開成五年自言死日端坐而卒里人建塋于西岡漆其  
尸而瘞焉月餘視其首髮長寸餘剃去又生  
氏姓謚明有佛正封正人安慶衛千戶

佛圖氏按亦作浮屠氏此姓諸書無今補

晉書佛圖澄天竺高僧也本姓帛氏永嘉中至洛妙通乎術腹有一孔常以絮塞之夜讀書則拔絮孔中出光照一室釋氏西域記記佛圖調曰佛樹中枯其來時更生枝葉僧法顯傳佛圖調曰佛鉢青玉也受三斗許彼國寶之供養時願終日香花不滿則如言願一把滿每復如言

唐書佛圖洸黃州人與天官侍郎敬敬之善弟訥之疾殆洸曰公弟當位三品不足憂也已而愈嘗謂張說市宅戒曰無穿東北三隅也他日見隅有三坎驚曰公富貴一世而已諸

子將不終

弗

姓篋弗音弼

左成十六年傳鄢陵之戰卻至從鄭伯其右弗翰胡曰謀輅之余從之乘而俘以下

古今人表弗盼師古曰即佛盼也

弗

見世本史記陳湘姓林

管子桓公使佛鄭為宅弗鄭齊桓公臣佐齊以霸者

印藪漢有弗龔按一作勿龔

弗邪氏此姓諸書無今補

唐書大中六年十二月占畢國弗邪葛等六人來朝貢方物  
弗羽氏見官氏志按宜作羽弗氏鄧元亞引誤  
弗忌氏見姓纂

弗斯引氏見西秦錄

西秦錄乞伏述延以弗斯引烏塗為左輔將軍鎮蔡園川  
魏書延興二年百濟王餘慶遣冠軍將軍駙馬都尉弗斯侯  
等上表按即弗斯引氏作弗斯者省文

蔚

見姓譜一作尉

宋史周世宗時有蔚興數戰有功入宋從平太原終龍尉都

虞候

急就章五代時太原蔚進按進身長七尺日行二百里事北  
漢睿宗掌親兵官侍衛都指揮使建寧軍節度使勇冠一軍  
與郭無為不協出為代州刺史忻然即路未幾繼思過弑人  
皆以進為先見後歸朝為左衛大將軍進掌兵方嚴所至不  
敗事劉氏四主以質直聞見北宋按續資治通鑑長編錄  
宋永興軍牒碑有兀賓副使兵馬都監蔚信

大中祥符六年使闕門祇候供奉蔚信副查道為遼正旦使  
宋史蔚昭敏字仲明祥符入鎮定高陽關三路先鋒契丹入

寇昭敏與范廷召追斬萬餘級歷保靖軍節度使  
明史蔚綬合肥人秉心淳實履行端方洪武中擢戶部主事  
尋員外郎永樂中拜刑部侍郎轉給山海軍洪熙中陞尚書  
見鄭辰傳

朝邑志蔚能朝邑人以吏員授光祿寺典簿歷升本寺卿進  
刑部右侍郎以忤旨調南京在光祿三十餘年未嘗持禁纒  
回家上疏請查入內供應器物詔下獄問所由能語同寮曰  
上怒不可測能老矣當獨任之勿累諸公也既受責降未嘗  
有後言人尤稱之

甘肅志蔚春合肥人弘治進士性狷介任兵科給事中清白  
一節歷官隴右道

氏姓謚蔚旭宛平人正德中任涇陽知縣蔚鍾壽光縣人嘉  
靖丙辰進士蔚元康河南宣武人嘉靖壬辰進士任行人擢  
御史升四川重慶府知府吏畏其威民懷其德後官太僕寺  
少卿

甘肅志蔚林字有特隴西人庠生蔚可喬畧陽貢士官學正  
縉紳錄湖南長沙府湘陰縣知縣蔚常春山西朔州人舉人  
尉見陳畱風俗傳顏師古漢書注

左襄公十年傳鄭尉止與司臣子師僕堵女父侯晉殺子駟  
國人殺尉止子尉翮奔宋按史記公子子孔使尉止殺之  
史記秦有尉錯尉繚子按藝文志尉繚子著書

十六國春秋前涼張軌主簿尉髦呂光主簿尉祐姦佞傾險  
與彭濟同謀執梁熙者光寵任之擢為宣遠將軍金城太守  
南涼撫軍從事中郎尉肅勸太子虎臺守內城南涼傳檀振  
或將軍尉賢政固守浩疊不降熾磐

後魏書尉古真賀訥古弟染干欲殺珪古真告之染干疑泄  
其謀執而訊之以兩車輪夾其頭傷一目不伏乃免之後為

鴻飛將軍尉眷古真之弟子為安北將軍後至太尉有平赫  
連定之功尉多戾眷子為敦煌鎮將尉元鎮東大將軍封淮  
陽王

東魏書高歡兵敗追兵至親信都督尉興慶曰王速去興慶  
嘗有百矢足殺百人歡曰事濟以爾為懷州刺史若死用爾  
子興慶曰兒少願用兄許之興慶拒戰矢盡而死

北齊書尉景字士真善無人景性溫厚頗有俠氣與庫狄干  
常被委重而不能忘情射利轉冀州刺史又大納賄庫狄干  
與景在神武坐請作御史中丞神武曰何意下求卑官曰欲

捉尉景神或大笑令優者石董桶戲之董桶剝景衣曰公剝百姓董桶何為不剝公後徵為大司馬遇疾卒

齊書尉聿字成興性耿介明帝時為武衛將軍時領軍元叉執權百僚莫不加敬聿獨長揖不拜尋出為涼州刺史涼州緋色為天下之最又送綾二千疋令梁聿拒不受

齊書尉長命性和厚有器識拜車騎大將軍幽州刺史子興敬便弓馬有武藝與周文帝戰于邱山中流矢卒

齊書尉標代人太寧初封海昌王子相貴嗣或平末晉州道行臺晉州刺史弟相願強幹有膽畧或平末領軍大將軍每

立計殺高阿那肱廢後立廣寧王事竟不果

隨書鮑宏傳時有尉義臣者其父崇不從尉遲迴後與突厥戰死上嘉之將賜姓為金氏訪于羣下宏對曰昔項伯不同項羽漢高祖賜姓劉氏秦真父能死難魏武賜姓曹氏如臣愚見請賜以皇族高祖因賜義臣為楊氏

甘肅志尉持平官訓導

陝西志尉齡尉得善尉良相尉景賢皆膚施縣貢生均官知

縣

尉遲氏見官氏志邵思姓解

魏書萬俟醜奴之大行臺尉遲菩薩僕射萬俟忸自成功南渡渭攻圍趣柵後為賀拔岳禽之

周書尉遲侯兜代人性宏裕有鑒識尚周文帝姊昌榮公主生迴及綱迴有大志好施愛士尚魏文帝金明公主周文帝時官尚書左僕射兼領軍將軍贊伐蜀之計督開府元珍乙弗亞叱奴興綦連宇文升六軍趣至晉壽平之詔迴為益州刺史徵還蜀人思之立碑頌德出為相州總管隨文帝懼迴為異圖令韋孝寬代之迴以隨文帝將圖篡奪謀舉兵不受代帝又使侯正破六汗哀詣迴喻旨迴殺哀集文武士庶登城北樓而令之眾皆從命時迴弟子勤為青州總管率數州從之後迴敗自殺綱字婆羅從周文征伐以功封廣崇縣伯綱驍果有膂力善騎射迴伐蜀周文送之于城西見一走兔命綱射之誓曰若獲此兔必當破蜀俄而果獲而反又嘗從周文狩雲陽值五鹿俱起綱獲其三周孝閔帝踐阼綱掌禁兵除小司馬歷涇陝二州總管薨諡曰成第三子安以嫡嗣大象末位至柱國運綱子也少彊濟在立功周明帝時遷左

成伯中大夫尋加軍司馬轉司衛宣帝在東宮親狎謫佞成帝選鯁正者匡弼之以運為右宮正王植作亂其黨龔章肅

門運閉門直黨斫傷運指運益火直不得進或帝嘉之宣帝  
即位懼誅出為秦州總管憂死諡曰忠子靖嗣大象末儀同  
大將軍又迴子寬兄誼寬弟順順弟惇迴孫耆福員外郎運  
弟勒皆顯位

唐書尉遲恭字敬德鄠陽人為右武候大將軍封吳國公死  
諡忠或按敬德之子寶琳高宗時為衛尉卿脅人為妾劉藏  
器劾還之

唐書尉遲勝本王子于闐天寶中來朝後留侍衛又唐書以于  
闐王尉遲伏闕雄為毗沙都督又于闐王尉遲跳約突厥諸

### 國叛

唐書藝文志貞元時有處士尉遲汾官祠部員外郎著有南  
楚新聞三卷又尉遲偓著中朝故事二卷按汾為博士請諡  
李吉甫以敬憲唐嵩高靈勝詩太和三年尉遲汾書在中嶽  
廟壁見嵩陽石刻記

樂府雜錄德宗朝有尉遲青官至將軍大厯中有幽州王麻  
奴者解吹觱篥河北推為第一頗倨傲自負自戎帥外莫有  
敢輕易請者按唐書樂工尉遲璋授光州長史韋溫封上詔

唐書龍州刺史尉遲銳上言牛心山素稱神異有掘斷處請  
加補塞從之役數萬人于絕險之中東川為之疲弊

元史尉遲德誠字信甫絳州人祖天澤仕金為庫官父鼎仕  
潞州知州誠官至遼東廉訪使上書言事謂懷諸王以固腹  
心防出入以嚴宮禁立諫官以遠讒佞崇科舉以求人才立  
常平以備凶荒汰僧道以寬民力舉賢良以勵忠孝抑奢侈  
以厚風俗未及報而卒

甘肅志尉遲閏鞏昌人洪武中人材官興化府通判勸農興  
學以公勤清白著聞按陝西志作朝邑人

鬱

見姓苑

路史伏羲師鬱篁子按鶴林經禹師鬱篁按亦見抱朴子  
高堂賦有方之士上成鬱林按鬱林古仙人也

魏志軻比能之婿鬱築韃是夸姓也

氏姓謚鬱讓山東人正德中任潁川衛知事

宜賓志鬱姑遇楊道人于師來教以服仙茅法後人名其處  
曰鬱姑臺臺出仙茅接近人吳學士者欽謂隨時之鬱孤將  
軍鎮此非鬱姑也是不知鬱之有單姓矣

屈

見楚辭注世族謚

鐘鼎款識商有屈生敦薛尚功曰屈其姓韃其名曰生者如龍生之類

呂氏春秋夏啟伐屈鶩

淮南子屈商拘文王于羑里注屈商紂臣

按左傳楚有屈瑕盟貳軫見桓公十一年屈重與鬬祁除道梁溇見莊公四年屈完與齊盟于召陵見僖公四年屈禦寇與鬬克戍商密禦寇字子邊見僖公二十五年屈蕩為右見

宣十二年世本屈蕩屈建之祖父申公巫臣曰師人多寒見宣十二年巫臣即屈巫字子靈成三年奔晉屈到為莫敖屈

蕩為連尹見襄十五年杜注到屈蕩子字子夕巫臣請使于

吳置其子屈狐庸為吳行人見成七年屈建為莫敖見襄二

十二年建為令尹見襄二十五年韋注國語云建屈到子即

子木屈生為莫敖見昭五年杜注生屈建子屈蕩為莫敖見

襄二十五年與宣十二年屈蕩同姓名也使屈申圍朱方見

昭四年杜注申屈蕩子使屈罷簡東國之兵于召陵見昭十

四年

史記屈平為左徒字正則為三閭大夫被放作離騷二十五

篇

新序楚有屈盧不受劫于白公勝宋有屈穀

淮南子吳起為楚令尹適衛魏問于屈宜若注屈宜若楚大夫止在魏按說苑作屈宜白謂吳起好用兵宜得旤也

國策楚之相秦者屈蓋為楚和于秦秦啓闕而聽楚

漢書岑彭遣偏將軍屈充移檄江南班行詔命于是交州牧鄧讓率七郡太守遣使貢獻

東觀記桓璉居揚州從事屈豫室中庭有橘樹

魏書屈遵字子皮徒何人博學多藝為慕容永僕射後歸魏為尚書令子須須子垣字長生沈深有局量尤善書記計太

武初即位官僕射以破平涼功賜爵子道賜善騎射機辯有辭氣從征蓋吳卒屈拔垣之孫少好陰陽學太武時年十四為南部大夫官營州刺史

南涼錄偃檀至番禾苜蓿掠五千餘戶將軍屈右勸其倍道旋師不聽屈右出告其諸弟曰吾言不用天命也此吾兄弟死地

集仙傳和陽屈處靜曾為巴郡拱縣令入江州山中潛修悟道師少室蔡陽生二十年道成入赤城得河圖會昌符

氏姓謚屈隱之和陽人好經史精莊易官韶州刺史居官清

儉

屈侯氏見風俗通

國策屈侯駙為魏太子傅翟璜所進

風俗通史記漢有郎中屈侯原按原一作景又作豫

屈南氏見姓纂澍按即屈男氏

屈男氏此姓諸書無今補

按周聖母寺四面像碑有大像主安定公寺大邑長左菴

飛曠野將軍殿中司馬屈男神缺右菴唯柳屈男度某某當

即業字右菴化主屈男明慶慶即度字邑子屈男客仁屈男

延貴屈男昭明屈男景祥屈男馬缺屈男牛主

屈盧氏見官氏志

屈突氏見後魏書

前秦錄慕容暉與豪帥悉羅騰屈突鐵侯等潛告于鮮卑以

謀殺堅

隨書始州刺史屈突尚宇文護之黨也先坐事下獄無敢繩

者于仲文為安固太守至郡窮治遂竟其獄蜀中謂之謠曰

明斷無雙有于公不避疆禦有次成

唐書屈突通長安人仕隨為右衛將軍入唐仕刑部尚書洛

州都督以清著其弟屈突蓋為長安令以方嚴顯時人語宣  
食三斗蔥不逢屈突通宣食三斗艾不見屈突蓋通子壽襲  
壽太宗幸洛思通功拜少子詮為果毅都尉終瀛州刺史詮  
子仲翔神龍中復守瀛州按宋璟傳或后敕宋璟按幽州都  
督屈突仲翔贓污辭曰御史中丞非大事不出使仲翔罪止  
贓今使臣往必有危害

唐書江淮都統劉展使其將屈突孝標將兵三千徇濠

按唐文開元時有屈突叔齊書判拔萃科屈突滑有舉似已  
行判又屈突渾天寶時書判拔萃科

金石錄唐潘孝子頌大厯三年崔稱撰屈突實八分書代宗  
時人

集仙傳屈突無為字無不為號神和子五代時得道張詠見  
于成都

紀聞溫縣道左草堂中有人居其中刺臂五和丹寫一切經  
其人年六十色黃而羸瘠而書經已數百卷自言姓屈突氏  
名仲任即仲將季將兄弟也父亦典郡後任貧為盜一旦夢  
入冥百獸皆索命判官曰須努力脩福若刺血寫一切經此  
罪當輕仲任蘇乃堅行其志焉

屈同氏見官氏志

屈引氏見官氏志按宜作屋引氏此宜刪

屈門氏見官氏志

囁

囁勿羅氏見唐書

誣

印藪漢有誣疆

袖

印藪漢有袖勝

乞

見山海經路史

晉書涼州虜帥乞文泥吐谷渾有司馬乞宿雲相其王辟奚  
長史鍾惡地謀同殺辟奚之三弟收于坐殺之

奇姓通乞賢南京人弘治時任泌水知縣乞柱廣西人正德  
中任吳川知縣

乞特氏此姓諸書無今補

後燕錄慕容農東引乞特歸于東阿又慕容寶別將乞特真  
率百餘人至其帳下得魏太祖衣鞞

乞力氏此姓諸書無今補

郭知運傳吐蕃將有乞力徐按吐蕃傳崔希逸謂乞力徐曰  
兩國約好而守備不廢云何乞力徐曰公忠誠無不可恐朝  
廷未皆信脫掩吾不備其可悔希逸固邀乃盟而撤之  
乞伏氏見官氏志

西秦錄乞伏國仁之先曰乞伏可汗託鐸莫何如

一作託字  
譯莫何

紇干五世孫祐鄰鄰子結權權子曰利那曰和塗利那子述  
延述延子偁大寒皆為首帥偁大寒弟曰吐雷為勇士護軍  
大寒子曰司繁步積司繁始號南單于四子曰國仁曰乾歸  
曰智遠曰木奕于國仁始僭號西秦王在位四年弟乾歸嗣

在位二十四年子熾磐嗣智遠為龍驤將軍國仁生公府乾

歸四子曰熾磐曰勃勃

一作勃勃

曰審虔曰延祚熾磐在位七年

死子暮末嗣勃勃質于西涼審虔為中軍延祚為禁中錄事  
熾磐子元基為右丞相暮末在位三年赫連氏滅之和塗弟  
曰軻塗述延尊為師傅

前秦錄秦以司繁徒從叔乞伏吐雷為勇士護軍以司繁為  
南單于留之長安

西秦錄熾磐叔父乞伏塗頭為平遠將軍弟安度為安遠將  
軍又涼州牧乞伏軻彈秦州牧乞伏益州後為前將軍後軻

彈與益州不和奔涼乾歸臣乞伏務和以驍騎將軍出為東  
金城太守乾歸兄子乞伏阿柴為興國太守乾歸子木奕干  
為成威太守次子中軍將軍乞伏審虔後為河州刺史乾歸  
兄子乞伏公府為振威將軍殺乾歸熾盤弟乞伏智遠為廣  
威將軍乞伏曇達為鎮東將軍熾盤子元基一作元方為尚書左  
僕射乞伏十年為涼州牧嗜酒殘虐不恤政事暮末遣使讓  
之十年懼奔河西又乞伏暮末以叔父乞伏沃陵為涼州牧  
鎮湟河暮末弟乞伏軻殊羅叔父乞伏什寅謀叛被殺什寅  
母弟前將軍乞伏白養及鎮威將軍乞伏去列以什寅之死  
有怨言暮末皆殺之

後魏書乞伏保高車部人父居獻文時為散騎常侍領牧曹  
尚書以忠謹慎密常侍左右出納詔令宮人申氏撫養保性  
嚴肅捶罵切至而保奉事孝謹初無恨色遷中郎將出為善  
無鎮將申年踰八十保手製馬輿親自扶接申欣然隨之申  
亡保解官奉喪還洛復為長兼南中郎將卒

魏書孝文時右丞乞伏羲受帝謂曰卿罪亦應大辟可以白  
衣守本官冠服祿卹盡從削奪

西魏書吐谷渾夸呂通使于齊涼州刺史史宣覘其還襲之

獲其僕射乞伏觸板又侯安都生禽齊儀同三司乞伏無勞  
按南史作無芳

魏書秀容人乞伏莫于聚眾攻郡殺太守

後周書乞伏慧字令和鮮卑人祖周魏銀青光祿大夫父纂  
金紫光祿大夫慧慷慨有大節齊文襄時為行臺右丞遷太  
僕卿封宜人郡王兄貴和以軍功為王一門二王稱為貴顯  
拜熊渠中大夫從韋孝寬擊尉遲惇于武陟以功授大將軍  
隨文帝受禪拜曹州刺史遷涼州總管先是突厥屢為寇抄  
慧嚴警烽燧遠為斥埃虜竟不入境後為荊州總管又領潭

桂二州總管三十一州諸軍事其俗輕剽慧躬行樸素以矯  
之風化大洽曾見人以簍捕魚者出絹買而放之其仁心如  
此百姓號其處曰西河公簍場帝即位為天水太守大業時  
帝巡狩坐御道不整獻食疎薄帝大怒命左右斬之見其無  
髮乃釋之除名

齊書傅伏謂行臺乞伏貴和曰周師疲弊願得精騎二千追  
擊可破也和貴不許弟令和武平末並開府儀同三司令和  
領軍將軍後入周

氏族畧宋有乞伏矩端拱登科

乞活氏見魏書

晉書乞活田種率眾五萬救幽州刺史石勒

前秦錄苻堅以乞活夏默為左鎮郎胡人護磨那右鎮郎申香為拂蓋郎並身長一丈三尺多力善射三人並食飯一石肉三十斤

元和郡縣志初乞活魁遣陳川據陳畱浚儀遣將魏碩于穀水南營祖逖遣衛策等追戰大敗之因即立戍畱守號始基城

乞袁氏見路史

乞連氏見西秦錄

西秦錄有丞相乞連出都又有乞連虔按一作出連

乞四氏見唐書此姓諸書無今補

唐書韋鞞簡乞四比羽樹壁自固成后封為許國公比羽不受命

乞悉氏見唐書此姓諸書無今補

新唐書憲宗貞元二年節度使韋皋以劍南兵戰臺登殺虜將乞藏遮遮悉多楊朱不三年盡得嵩州地破虜堡五千餘所敗其南道元帥論莽熟沒籠乞悉篋又與南詔破之于神

川于鐵橋俘馘三萬降首領論乞髯湯沒藏悉諾碑按新唐書贊部使論莽熟沒龍乞悉苋兼松州五道節度兵馬都統羣牧大使引兵十萬援維州皋率南詔兵薄險設伏以待纔使千人嘗敵乞悉苋見兵寡悉思追墮伏中兵四合急擊遂禽乞悉苋獻京師

乞藏氏見唐書

新唐書韋皋傳皋遣精卒二千與蠻共破吐蕃于臺登殺青海大酋乞藏遮遮臘城酋悉多楊朱及論多柴等遮遮尚結贊之子虜貴將悍雄者也

乞乞氏見唐書

唐書勃海有舍利乞乞仲象來朝武后封為震國公

蒂 姓苑蒂人姓

鞞 姓苑鞞人姓按鞞即蒂字

紱 見姓苑

芟 見姓苑

姓韻卷八十九

六月

月

博古圖有月季又月魚基

金史月彥明元統中官台州錄事司達魯花赤縣未有學乃首孔子廟又延儒士為師以教後進

元史月乃和字正卿祖為金馬步指揮使因改姓馬祖常是也

成威張 澍篋

四川志月文憲巴縣人洪武初僑居巴陵以明經授武昌訓導有詩集

氏姓謚月隆江浦人正統中州判月汝欽涿州人成化間袁州照磨月輝字本明贛縣人知江油縣以清苦稱子正字廷表貢士任裕州知州月雱清浪衛人嘉靖舉人月東升山後人萬厯中任太原衛指揮

月魯氏

明史四川土司建昌衛傳自雲南建昌來貢馬一百八十匹并上元所授符印詔賜月魯帖木兒綺衣金帶鞞鞞家人綿

布一百六十疋鈔二千四百四十錠以月魯帖木兒為建昌衛指揮使月給三品俸贍其家按曹震開永寧河碑記建昌驛鋪橋道委四川都司僉事潘永建昌衛指揮使月魯帖木兒提調軍民以開道

安世鳳墨林快事元重脩學記黃潛撰文月魯木不花書筆墨甚古雅

骨 見唐書天竺姓也

隨書陰壽傳京兆郡丞骨儀京兆長安人性剛鯁有不可奪之志開皇初為侍御史處法平當不為勢利所回煬帝嗣位

遷尚書右司郎于時朝廷漸亂貨賄公行凡當樞要之職無問貴賤並家累金寶士大夫莫不變節而儀厲節守常介然獨立帝嘉其清苦超拜京兆郡丞及義兵至儀與陰世師同心叶契父子並誅按儀為刑部侍郎與留守樊子蓋推揚予感黨與又按儀本天竺胡人居京兆長安也

唐書孝友傳有骨英秀虞鄉人旌表門閭

五代史天成四年黑水使骨至來

五代史骨言骨儀之後也高祖用兵江西以言為行營都虞候言驍勇果毅雅善治兵時危仔倡舉信州請降高祖以左

先鋒指揮使張景思代之命言率兵五千人送景思入境仔倡聞言兵至棄州奔吳越言偕景思入信州從容經畫人服其有定亂才

河南志骨恭歸德人景泰中任趙州學正

骨咄祿氏見官氏志

唐書突厥始畢可汗遣骨咄祿特勒來宴之于太極殿奏九

部樂

唐書黑齒常之擊骨咄祿元珍于黃花堆破之

骨篤祿氏此姓諸書無今補

唐書以骨篤祿毗伽可汗為右武衛大將軍伐默棘連  
骨崙厘骨思氏見路史

髮

見賈子新書

漢儒林傳東海人髮福治韓詩至大官授徒甚眾按釋文引  
髮福髮一作段

賈誼新書引髮子曰至治之極父無死子兄無死弟塗無極  
禡之葬各以其順終穀食之法固百以足按當即髮福也

闕

見風俗通廣韻

萐陽國志太守闕貺命景鸞為功曹察孝廉舉有道博士徵

不詣戒子孫人紀之禮

風俗通漢有荊州刺史闕栩又有下邳賊闕宣菽文志有縱

橫家闕子著書一篇按栩一作翊闕宣范書陶謙傳作闕宣

惟魏志作闕宣聚眾數千人自稱天子陶謙擊殺之魏志陶

謙傳謙始與宣合從後殺之并其眾

蓮社高僧傳闕公則入廬山白蓮社既逝有同社人入洛陽  
白馬市為公則脩忌祭忽時林木殿宇皆作金色空中有聲  
曰我是闕公則欲生極樂國今已得生矣言訖無所見

王僧孺百家誼蕭遠娶下邳闕氏之女

石臺孝經碑有承奉郎四門助教闕宏直

氏族畧宋有闕聳字惟瞻淮南人嘉熙進士闕一德承奉郎  
江陰路分政闕定甫嘉熙進士

朱姓謹闕兀字文則崇安人洪武中貢士闕津長洲人宣德  
中以人材知龍南縣闕膺字允登奉新人以經明行脩舉宣  
德中知豐縣篤于民事闕清河南人弘治舉人知平涼府天  
性純孝為政愛民

題名錄闕成章長洲人隆慶戊辰進士闕士琦桃源人崇正  
甲戌進士按王元美集闕成章官兀部郎中

漢中志闕清河間人正德中漢中府知府按河間府志清交  
河人成化舉人王元美集官平涼府知府氏姓謹言為河南  
人者誤

闕門氏見風俗通

漢儒林傳膠東內史闕門慶忌傳詩鄒人申公弟子也其治  
民有廉節稱其學官

闕啜氏此姓諸書無今補

唐書郭元振傳烏質勒之將闕啜忠節與娑葛交怨屢相侵  
而闕啜兵弱不支元振奏請追闕啜入宿衛徙部落置瓜沙

間

開 按開即闕字統謚以入馬韻非也

氏姓謚闕和永樂舉人任教諭

越 見國語注

史記晏嬰傳有越石父晏子解驂贖其罪按說苑越石父曰  
不肖人自賢也愚者自多也佞人者皆莫能相其心口以出  
之又謂人勿言也譬之猶渴而穿井臨難而後鑄兵雖疾從  
而不及也

王符潛夫論由余生于五狄越象生于八蠻而功施秦德

鄒陽書齊用越人蒙按漢書作越人子臧新序雜事亦作越  
人子臧張晏云子臧或是越人蒙字也

四川志越堅合州人正統進士越孝合州人成化舉人

雲南志越英性剛方正直未嘗有戲言情行從叔官湖南家  
口流落英間闕歸之年二十八始讀書七年中雲南鄉試初  
任衡陽教諭後升瀘州知州好善疾惡守正不阿棄官歸教  
子孫以道義勸鄉人以孝信義

貴州志越昇博學能文尤工詩以經明行脩授播州宣慰使  
訓導越湊正德舉人知四川定遠縣越淳正德舉人任教諭

越民望嘉靖舉人民表丙午舉人民牧己丑舉人民範壬子舉人皆貴州人

越椒氏見姓纂

越勒氏見官氏志

西魏書大統元年以開府儀同三司越勒肱為司空按魏書廢帝紀以使持節征西將軍岐州刺史越肱特為儀同三司無勒字有特字疑有訛

北齊書斛律光傳光虜周都督越勒世良

越強氏見官氏志

越質氏見通鑑注

西秦錄乞伏國仁討鮮卑越質叱黎于平襄大破之獲其子詰歸弟子復半詰歸至乾歸時為隴西太守詰歸據平襄叛自稱建國將軍右賢王乾歸擊敗之降以宗女妻之署立義將軍後降姚興

西秦錄武衛將軍越質洛誠謀殺熾盤

謁 見風俗通

風俗通漢有張湯小吏謁居後漢汝南太守謁瓊一名煥見獨行廖扶傳按史記張湯傳湯小吏魯謁居是謁居魯人也

煥見方術傳云太守謁煥先為諸生從扶學後臨郡未到先遣吏修門人之礼又欲擢扶子弟固不肯當

峽陽國志謁煥塾江人與同邑司隸校尉程焉度遼將軍譙章皆有名于時汝南紀云謁煥江州人為太守有公道之稱

張納功德叙碑陰守屬江州謁恭

窟 此姓諸書無今補

十六國春秋禿髮傉檀之臣窟古通

宋書參司空參軍卜天生將兵會傳乾愛及中兵參軍江方興破魏兵斬其將窟瓌公

隨書突厥傳突厥酋長窟含真文帝開皇中封安公

舊唐書北狄傳契丹酋長窟奇太宗貞觀二十二年來降賜

姓李氏為松漠府都督

窟賀氏見姓纂

沒 此姓諸書無今補

集古印謚漢有沒未央

晉書馬隆傳隆率善戎沒骨能等與樹機能戰斬之

前秦錄苻登驃騎將軍沒奕干遣使結好于乾歸以二子為質共攻鮮卑大兜于鳴蟬堡克之後叛乾歸射之中目按奕

干為苻丕安定都尉後為勃勃所殺

前秦錄烏桓獨孤部鮮卑沒奕干各帥眾數萬來降按此與高平鮮卑沒奕干為二人

西秦錄沒奕干高平鮮卑多蘭部帥也為呂光秦州刺史後燕錄魏別部大人沒根有膽勇太祖惡之沒根懼誅己丑將兵數十人來降寶以為鎮東大將軍封雁門郡公

唐書小勃律國王沒謹忙遺書北庭節度使張孝嵩求救唐書趙孝祖大破西南蠻斬小勃弄酋長沒盛

五代史晉取滿城獲契丹酋長沒刺

沒路真氏見官氏志

沒鹿回氏見官氏志

沒盧氏此姓諸書無今補

唐書吐蕃尚婢婢姓沒盧名贊心牙羊同國人世為吐蕃貴相寬厚畧通書籍不喜仕贊普強官之

忽見姓苑

明史陳亨傳從征北領左哨戰忽失溫與成山侯王通先登都督朱崇等乘之遂大捷

陝西志忽忠蒲城人成化丁酉舉人官安慶同知忽麒朝邑

人孝親廬墓奉旨旌表忽鳴蒲城人嘉靖壬子舉人官鎮遠  
知府忽宏長安人萬曆舉人又有監生忽雲漢忽在鄉雍正  
時任西鄉訓導按凌氏謚以忠為解陽人正統中任荊州州  
判以鳴為山西人萬曆中任戶部主事皆訛

勃 見世本風俗通

風俗通晉有寺人勃鞞按國語初獻公使寺人勃鞞伐文公  
于蒲城文公踰垣勃鞞斬其袪注勃鞞寺人披也伐蒲城事  
在魯僖公五年

前秦錄鮮卑勃寒寇隴右堅使乞伏司繁討之勃寒請降

唐書屬賓國王勃匄準

東坡志林勃遜之會議于穎或言洛人善接花歲出新枝而  
菊品尤多遜之曰菊當以黃為正餘可鄙也

勃宰野氏見唐書

孛 此姓諸書無今補

北齊書封隆之傳時初召募勇果都督孛字八高法雄封子元  
等不願遠戍聚眾為亂

𠵿 此姓諸書無今補

東觀餘論𠵿其物反周有𠵿仲匡銘劉原父釋為張非也

厥 見姓苑

漢書文帝賜衡山王妾厥氏按海篇引作奇氏衡山王傳作美人厥姬

魏志鮮卑大人厥機與素稱彌加軻比能步度根等因閭柔上貢獻求通市

統謚明厥惟明井研人弘治中任陝西鞏州知州

厥由氏見路史按即蹶由宜入祭韻非姓也宜刪

穴 見路史

厨 字彙補居月切音厥姓也

兀 見官氏志范文正公集

陝西志唐有兀元字用之一作微之河南人出為同州刺史急吏

緩民收羨財千萬以補亡戶逋租復遷御史大夫

津逮秘書兀欵仄有青烏先生墓經注

題名錄兀崇德藍田縣人乾隆丙辰進士

鵲

鵲屈氏此姓諸書無今補

唐書突厥傳郁射施大酋鵲屈頡斤苾悉頡力相踵款邊詔以頡斤為左驍衛將軍兼刺史陰山郡公頡力左武衛將軍

兼刺史雁門郡公

鵑奚氏見魏書

鵑也氏見複姓錄

鵑提悉補野氏見太平寰宇記

紇  
音鵑見官氏志

南涼錄僭檀遣安西將軍紇勃耀兵蒙遜之西境

吐谷渾錄河南王吐延為羌酋羌聰所刺吐延不抽劍召其將紇拔泥以長子葉延托之保于白蘭按通鑑作紇訖塗

北齊書世宗蒼頭奴蘭固成害世宗庫真紇舍樂扞賊死按

紇奚舍樂也茲脫奚字

紇干氏見官氏志西秦錄

周書柱國紇干廣畧齊斛律光敗之于宜陽按天和元年雁門公紇干畧于當州討渾胡因置同昌郡即廣畧也又按庾信集有紇干和神道碑云公諱和字廣畧原州長城縣人也本姓田氏太祖在同州文成並集號令曰羣臣皆如紇干和之心天下豈不大定

唐書唐御史大夫紇干遂與中丞杜彥光戍鹽州

唐郎官石柱題名有金部郎中紇干泉按奇聞錄舉人李文

彬受知于舍人紇干泉時有京兆府司錄賀蘭洎卒文彬謁  
紫微問曰今日有何新事文彬曰適過府門聞紇干泉卒泉  
曰莫錯否曰不錯泉曰君大似共鬼語也拂衣而入文彬乃  
悟蓋俱重姓又同名而誤對也又按杜元穎為劍南西川節  
度使泉為屬官元穎貶泉奪秩又泉為中書舍人訴甥劉訥  
毆母柳仲郢杖死訥藝文志紇干泉序通解錄一卷字咸一  
大中江西觀察使韓休傳休昇尚書紇干泉皆以法號相字  
時人重其高潔而鄙其太過

唐書太子承乾所為多不法于志宣三上書諫承乾大怒陰  
遣刺客張師政紇干承臺就殺之二人潛入其第見志宣寢  
處苦苦廬竟不忍而止按當作承基承乾又使承基謀殺魏  
王泰不克後承基上變告太子謀反以承基為祐川府折衝  
都尉爵平棘縣公

按唐文紇干俞元和中進士有至人用心如鏡照紇干濬乾  
符時人有贈太尉韓允忠神道碑

太平廣記大中中紇干峻與魏鏐爭府元而紇干屈居其下  
翌日鏐暴卒時父泉方鎮南海由是為名子所謗曰離南海  
之日應得數斤當北門之前未銷一捻因此峻兄弟皆罷舉

皆斯于時號張三頭謂進士狀頭宏斯詞敕頭京兆解頭也  
廣古今五行記并州有人姓紇干好劇承聞在外有狐魅逐  
得一狐尾綴著衣後至妻旁側坐露之其妻私心疑是狐魅  
遂密持斧欲斫之其人叩頭云我不是魅妻不信走逐至鄰  
家鄰家見衣亦有狐尾又以刀杖逐之其人惶懼告言我戲  
劇不意專欲殺我此亦妖由人興矣

紇單氏見姓誼

魏書源子雍破賊帥紇單步胡提于曲沃堡

隨書漢王涼反令紇單貴斷河橋守蒲州為楊素所破按綱

目集覽以紇為姓單貴為名誤矣

氏族畧唐有日者紇單瑤

紇奚氏見官氏志

魏書柔然庫者可汗卒子伏圖立號佗汗可汗改元始平遣  
使者紇奚勿六跋如魏請和

廣韻北齊開府紇奚永樂按蘭京作亂殺高澄時紇奚舍樂  
鬪死廣韻作永樂疑非王紇傳顯祖青紇曰尔與紇奚舍樂  
同事我兄弟舍樂死尔何為不死是宜作舍樂也

北齊書周師克晉陽齊使開府紇奚永安求救于突厥比至

齊已亡佗鉢可汗處永安于吐谷渾使者之下永安言于佗鉢曰今齊已亡永安何用餘生欲閉氣自絕恐天下謂齊無死節之臣乞賜一刀以顯示遠近佗鉢嘉之贈馬七十匹而歸之

侯景傳景以紇奚斤為太子太傅

紇骨氏見官氏志

後魏書太府卿義山公紇骨容生余丘公靜靜生貴

姓纂唐有利州人侍中紇骨士威

紇豆陵氏見官氏志

後魏書西河流民費也頭帥有紇豆陵伊利附于賀拔岳後為高歡獲之先是歡使侯景招伊利伊利不從擊之于河西禽之

魏書紇豆陵步藩逼晉陽尔朱兆擊之屢為步藩所敗後為齊神武滅之

庾信集周同州刺史段永神道碑云靈柩至京師詔遣使持節車騎大將軍儀同三司賀拔軌監護喪事又遣使持節車騎大將軍儀同三司紇豆陵冊贈使持節柱國大將軍等宜敷五州諸軍同州刺史

周書以李德林為內史上士謂羣臣曰我嘗日聞李德林名  
正謂是天上人豈意今日馳得其驅使神武公紇豆陵毅對  
曰鳳凰麒麟得之無用豈如德林為瑞且有用哉帝大笑曰  
誠如公言

隨書尉遲迴反懷縣永橋鎮將紇豆陵惠以城降迴襲據鉅  
鹿

紇突陵氏見官氏志按即紇突隣也

粵 見姓苑

剛 見姓苑

說苑景公正晝被髮乘六馬御婦人以出正閨剛跪擊其馬  
而反之曰尔非吾君也公慚而不朝

突 見姓苑

前秦錄慕容暉等欲謀殺堅北却人突賢與其妹別妹為左  
軍將軍竇衝小妻聞以告衝請留其兄衝馳入白堅

氏姓謚明突成鯉萬麻間文田為有糧無田之民甦困邑蒙  
其休年九十六歲卒

突地氏此姓諸書無今補

舊唐書北狄傳靺鞨酋長突地稽成德四年以為燕州總管

太宗貞觀中來降以戰功封著公賜姓李氏按隨煬帝時突  
地稽降拜光祿大夫居之柘城與邊人來往悅中國風俗請  
被冠帶帝嘉之賜以綺錦遼東之役突地稽率其徒以從每  
有戰功

突黎人氏見氏族畧

突騎施氏見唐書

舊唐書中宗遣使冊號衛大將軍兼衛尉卿金河王突騎施  
守貞為歸化可汗

竭

見辭證

竭水氏見大戴礼帝繫

發

見漢書注

封禪書游水發根師古注游水縣名發根人姓名也孟康以

游水為姓發根為名

闕

見路史

左傳襄九年陶唐氏之火正闕伯居商丘釋文於葛反

穆天子傳天子至于瓜纊之山三周若城闕氏胡氏之所保

郭注闕音過

莊子逸篇闕奕之隸與殷翼之孫過氏之子三士相與謀致

人于造物共之元天之上

魏書皇興二年正月魏侵宋宋豫州刺史劉劬擊斫之斬其

將于都公闕子拔于汝陽臺東

杙 見姓纂

噎 見姓苑

血 此姓諸書無今補

四川通志宣德二年茂州岳希蓬長官司血只同與靖州隴

本頭長官司各寨羌民一百七十餘人奏言茂州僻處邊隅

與松潘疊谿生番接界累歲被害有知敏陳敏在官能撫恤

人民制馭生番今敏以親喪去軍民失所請本官復以安邊

境勅令復往

姓韻卷九十

七曷

曷 此姓諸書無今補

西秦錄休官曷呼奴盧水尉地拔竝降于乾歸

唐書大首領曷蘇率貴川部與党項種三十萬降后以右玉

鈴衛將軍張元遇為安撫使率兵二萬迎之次大渡水吐蕃

禽曷蘇去而它酋皆插又率羌蠻千人自來元遇即其部置

葉州用皆插為刺吏刻石大渡山以紀功

成威張 澍篋

曷容氏此姓諸書無今補

荒史后羿繼室曷容氏少艾而淫通于寒浞羿子伊乎常知浞有殺羿意切諫不從曷容後為伯靡所誅

曷薩氏此姓諸書無今補

舊唐書突厥傳高祖武德初封曷薩那為歸義王

達見姓苑

呂氏春秋觸子欲齊軍之敗戰合擊金而卻之卒北觸子因以一乘去莫知其所達子又率其餘卒使人請金于齊王齊王怒曰若殘豎子之類惡能給若金與燕人戰大敗達子死

氏族畧宋達煥開禧間袁州教授達惠遠南城人嘉定進士氏姓謚達兼善南城人為元蘭臺御史洪武初欲復其官力辭達貫通道向容人洪武中以賢良官知縣達秦麗水人成化中由舉人知興國縣廉勤剛果上下相孚

江南志達穎字士敏丹徒人成化乙酉解元授國子監學錄遷瑞州府通判達毅字士弘丹徒人成化進士官郎中達其道任縣人嘉靖己未進士官提學副使達雲溧陽人弘治舉人官同知洪弟兼濟之裔

明史達雲涼州人都督同知戰功為西陲第一贈太子太傅

子達彪

達奚氏見官氏志魏奚斤傳

周書達奚武字成興代人賀拔岳征闕右引為別將後歸文帝以功加柱國大將軍常上峩岳祈雨夢白衣人執武手曰辛苦甚相嘉尚且即澍雨子震嗣震字猛畧少驍勇走及奔馬周文于渭北校獵有兔過前諸將競射馬倒而墜震足不傾躡步走射兔得之復回身騰上馬周文曰非此父不生此子宣政初出為原州總管天和三年拜柱國從平鄴賜女樂一部拜大宗伯隨開皇初終于家

隨書達奚實字伏什少脩幹有器局從文帝禽竇泰復宏農破沙苑有功加驃騎大將軍後官開府儀同三司保定初卒于刺史子豐嗣

周書達奚長為鎮將軍達奚顯伯為武衛將軍  
隨書達奚明大業末為溧陽令存心愛民每疏溝瀆以備旱潦民皆懷之

周書大象二年王謙據益州判叛遣達奚堪攻利州于子城南北起土山援軍至堪敗走稜周書達奚武傳作達奚甚震子也

隨書齊王陳傳京兆人達奚通有妾王氏善歌貴游宴集多或要致于是亦展轉出入王家

隨書達奚長孺字福仁代人也祖俟魏定州刺史父慶驃騎大將軍長孺少懷節操膽烈過人魏大統中起家奉車都尉周太祖引為親信以賢直公勤授大都督數有戰功遷驃騎大將軍宣政時破陳驍將劉景隨高祖受禪位上大將軍長孺性至孝母憂去職水漿不入口五日毀悴過凡起為夏州總管又除夏州總管轉蘭州總管復轉荊州總管三十六州諸軍事子嵩大業時官至太僕少卿按長孺通鑑作長儒

隨書酷吏傳頻陽王文同暴虐諸郡各奏其事帝遣使者達奚意馳鑕之斬于河間以謝百姓按達奚善意也先為河南令將精兵五千人拒揚乎感之弟積善

按員半千文有蜀州青城縣令達奚君神道碑諱思敬字安儼洛陽人高祖遷洛有志諸弊思變其風多改舊俗故達奚于後使姓奚焉周氏沿革復姓達奚氏曾祖諱成字文朝為玉璧大將軍東道大行臺十二將軍同掌二州刺史雍州牧大父徹太子左千牛尚輦直長考諱孝茂皇朝滑州司兵參

軍易州易縣令

唐書黃君漢遣其將校尉張夜義以舟師襲迴洛城克之獲其將達奚善定

唐書達奚采為戎州太守又達奚珣刑部侍郎按石臺孝經珣列銜云中大夫行刑部侍郎上輕車都尉後汗安祿山偽官誅之又按馬周為助教不治事博州刺史達奚恕數咎讓之

唐書李懷光遣別將達奚小俊燒乾陵又號陝都兵馬使達奚抱暉鴆殺節度使張勸代總軍務邀求旌節且陰召達奚小俊為援按新唐書作達奚承俊馬燧傳王或俊之大將達

奚小進

達野氏此姓諸書無今補

設藪刑部尚書范陽盧愷兼吏部選達野客氏師為蘭州總管客師辭曰客師何罪遣與突厥隔牆愷曰突厥何處得有牆客師曰肉為酪冰為漿穹廬為帳羶為牆

唐藝文志諸蕃行記一卷唐上元中唐州刺史達奚弘通撰弘通以大理司直使海外自赤土至虔那凡經三十六國略載其事

達勃氏見官氏志

達步干氏見周書

周書周文帝達步干妃茹茹人生齊煬王憲建德二年冊為齊國太妃太妃舊患風熱屢經動發憲衣不解帶伏侍左右

達薄干氏見唐書

達呼哩氏

辯證唐武德六年遼君長綽囉獻名馬豐貂按營衛志云唐達呼哩氏八部并元州松漠為十則達呼哩氏即綽囉矣

末見姓苑

新唐書吐蕃傳會昌乞離明為贊<sup>普</sup>部別將尚恐熱為落門川

討擊使姓末名農力也按國史補論恐熱姓末名農力吐蕃國法不呼本姓但王族則曰論官族則曰尚其中字即蕃號也熱者如中駟呼郎

末那樓氏此姓諸書無今補

後燕錄襄城侯末那樓雷按雷一作富

秣見路史

脫見姓苑纂要

氏姓謚脫因星子人洪武中官廉州知州府脫英字文璧龍城人宣德中由舉人官雋都訓導脫綱遂寧人脫列伯之孫

先任杭州前衛指揮同知正統中升浙江都指揮僉事勦處  
州反賊戰沒子英襲指揮使脫鎬新河人嘉靖中鞏昌府同知  
甘肅志脫穎鎮原人嘉靖辛酉進士官知縣

漢中志脫化鵬貢生漢中人本岷州衛教授

池北偶談金陵舊院有頡脫諸姓皆元人後沒入教坊者頡  
治末予在江寧聞脫十娘者年八十餘尚在萬厓中北里之  
尤也予感而賦詩云舊院風流數頡楊梨園往事淚霑裳樽  
前白髮談天寶零落人間脫十娘

奪 姓苑奪人姓一作敘

褐

見路史

氏姓謹成化舉人褐奎廣西北流人

褐餘氏見王符潛夫論

褐冠氏見風俗通按宜作鷓冠

袁淑真隱傳鷓冠子或曰楚人隱居幽山衣被屢空以鷓為  
冠莫測其名因服成號著書言道家馮諼常師事之後顯于  
趙鷓冠子懼其薦己也乃與諛絕按通志畧引作褐冠誤

拔

書史會要拔實字彥卿凱烈人官至夙部尚書行草宗晉人

拔畧氏見官氏志

賀拔勝傳後魏有都督拔畧昶與史作龍取義成均口禽梁將莊思延按一作拔畧畧訛

拔也氏見魏書按作拔野又作拔曳

後魏書夏州刺史拔也惡耗宇文泰以拔也惡耗鎮南秦州隨書王世充勒兵攻含嘉門元文都入奉泰皇御軋陽殿陳兵自衛將軍跋野綱將兵出遇世充下馬降之

拔拔氏見官氏志

魏孝文帝比干墓文碑有符璽郎中臣河南郡拔拔臻

按魏左輔長孫嵩本姓拔拔魏主稱其宿德舊臣歷事四世功存社稷又載紀姚泓傳泓以晉師之逼乞師于魏魏遣司徒南平公拔拔嵩進據河內為聲援

拔悉密氏此姓諸書無今補

舊唐書突厥十姓拔悉密葉等攻殺烏蘇米施可汗以拔悉密為右驍衛大將軍

拔列蘭氏見官氏志

拔曳固氏見唐書

突厥傳突厥攻拔曳固大敗之不設備遇拔曳固逆卒頡質

畧于柝林中突出擊默啜斬之

葛 見潛夫論風俗通

列仙傳葛由蜀羌人周成王時好刻木羊賣之一旦騎羊入西蜀中王侯貴人追之上綏山隨者皆得仙故里諺曰得綏山一桃雖不得仙亦足以豪

神仙傳周厲王時田獵廢政有諫官葛雍字文叔唐宏字文明周成字文剛齊入諫不聽俱棄職南游于吳入句曲山脩道

左傳齊昭公母葛嬴

陳勝傳葛嬰符離人陳涉令將兵徇蕪以東嬰立襄彊為楚王時涉已王楚遂殺嬰漢文帝錄嬰功封其孫諸縣侯因家焉

漢書葛龔字元甫宣陵人和帝時以善文記知名慷慨壯烈勇力過人安帝永初中舉孝廉為大官丞上便宜四事後舉秀才為臨汾令按所謂作奏雖工宜去葛龔者也

風俗通漢有潁川太守葛興按興中風病不能聽政韓棧代興視事

吳志葛奚為鴻臚賀劭疏云近鴻臚葛奚先帝舊臣偶有科

逆昏醉之言耳陛下猥發雷霆飲之醇酒中毒隕命

晉書葛子字孝先句容人吳時學道得仙人呼葛仙公洪字稚川祖子吳大鴻臚父悌吳平後入晉為邵陵太守洪得祖子鍊丹秘術于寶薦洪才堪國史自號抱朴子因以名書洪博聞深洽江右絕倫著述篇章富于班馬又精辯多頓析理入微按洪為存之次子兄嵩早亡洪長子名玘次珩次璜所謂葛三也彭州有葛仙山在蒙陽北四十里

魏書高麗遣大將葛蔓盧以步騎二萬人迎馮文通

唐書葛立方丹徒人著韻語陽秋

唐書葛同堂邑令郡學先賢碣有贊云葛公宰邑歷代稱賢

一方受賜千室鳴絃

葛伯氏見姓纂

葛沙氏見南史

葛薩氏見唐書此姓諸書今補

葛邏祿氏見唐書

唐書突厥部有葛邏祿胡屋鼠尼施三姓李德裕集有游擊將軍葛邏祿枝延

唐書突厥傳帝封禪都督葛邏祿叱利等三十餘人皆從至

秦山下已封詔勒名于封禪碑

渴

渴侯氏見官氏志

渴單氏見官氏志

渴刺氏此姓諸書無今補

隨書帝令虎賁郎將陳稜等汎海擊流求流求王葛刺兜遣  
兵逆戰屢破之斬葛刺兜

渴濁氏見北燕錄

魏書馮文通遣大將渴濁通朝獻辭以予疾按北燕錄無通

字是單舉其姓

渴獨渾氏見官氏志

渴

見辯證路史

文選注引莊子逸篇閼奕之隸與殷翼之孫渴氏之子三士  
謀致人于造化共之乎天之上

薩

見姓謚

唐李諲姤女頌文有云乃命河東節度副大使兼工部尚書  
太原尹北京留守薩公諱兼訓登此禁闥公掌握衡鏡心蘊  
韜鈴勢若轉規謀如泉涌

四川志薩堅西蜀人宋徽宗時從王侍宸林靈素輩學法  
劉鉉傳薩琦字廷珪其先西域人後著籍閩縣舉宣德五年  
進士歷官礼部侍郎兼少詹事元順元年卒琦有文性狷潔  
不苟合名與劉鉉相頡頏

縉紳錄嘉慶時薩履福州舉人任思安教諭

薩孤氏見唐書按一作薛孤

唐書高昌麴文泰稱疾不朝乃拜侯君集為交河大總管左  
屯衛大將軍薛萬均薩孤吳仁副之按一作薛孤吳仁

撮  
見姓苑

啜

啜刺史氏見姓纂

姓纂突厥首領長壽中司僕卿同正榆林伯啜刺真生元崇  
左武衛將軍同正樓煩男生瓌尚永壽奉御

伐  
此姓諸書無今補

論語讖徐衍負石伐子自狸守分止身握石失軀宋均注狸  
猶殺也

後燕錄晉魏兵皆未至大逸豆歸部將伐勤等開門納燕兵  
燕人執永斬之

跋 見千姓篇編

十洲記跋塗關者胡人剪髮裸形不食穀飲清水食都夸香如棗核食一斤則歷月不飢以一粒如粟大投沒清水中俄而滿大盂也

唐名畫錄有跋異按五代名畫補跋異沂陽人工畫佛道鬼神洛中福先寺有畫壁其品次張圖也亦見畫圖見聞志唐書黑齒常之率敢死士襲擊吐蕃營其將跋地設引兵遁去

刺 見姓苑

鐘鼎款識商有刺公敦

太平寰宇記南劍州玉女井在望仙橋下東齊道人刺道充與一女子居井旁煉丹同上昇按充一作元或引為高郵州人誤

氏族畧唐刺正甫撰姑蘇水利志十卷

吳越備史董昌兄子真驍勇善戰顧全成攻之逾年不能克真昇其裨將刺羽有隙刺羽譖之昌殺真兵乃敗

氏族畧宋有贊善大夫刺頴

邊防考打冲河守禦千戶所國初立中左一所今分為五在

衛北百六十里唐為沙野城今沙平遠運所其舊址也元為  
建昌路瀘州之地左所土千戶姓刺洪武二十五年月魯帖  
木兒賈哈刺土人刺他効順來歸其子刺馬非復貢馬赴京  
授本所副千戶永寧<sup>樂</sup>十一年陞正以別于四所與麗江永寧  
二府為隣麗江土官木氏每來侵之土地奪民失其半中所  
土千戶姓刺前所土千戶姓阿後所土千戶姓卜右所土千  
戶姓八先年與各所同進馬後議留馬協濟驛遞免貢已上  
五所俱土著人以國初歸附授官貢馬事例皆同  
刺門氏見姓苑

鷓

鷓冠氏見姓苑

高士傳鷓冠子或曰楚人隱居幽山衣被屢空以鷓為冠莫  
測其名因服成號著書言道家馮諼常師事之後顯于趙鷓  
冠懼其薦已也乃與諼絕

括 見姓苑

适 見姓苑

筮 見姓苑

氏族畧宋筮深建平人舉進士筮葵廣濟人登科筮航軍事

判官

江南志元筮勝丹陽人為德興丞性廉介歲旱設法賑飢詣東嶽祠責躬禱雨輒應筮理貞官平定州同知以幹濟稱筮安高郵人永樂時訓導筮諒江陰人永樂時萬載縣丞筮貴字廷相桐城人景泰舉人任沂州知州筮經江寧人天順中任訓導筮守心桐城人隆慶庚午應天舉人筮守海寧人嘉靖進士

江西志筮惟芳建昌人洪武中任增城主簿筮東光德興人嘉靖乙丑進士官給事中

丹徒志筮祖齡字小彭丹徒人繼良孫以句容籍中試順治八年辛酉科

句容志筮重光順治壬辰進士由刑部郎中擢監察御史巡按江西江西士民至今傳其敏幹居鄉丁海寇犯城設計恢復為功甚鉅好施與鄉民德之康熙四十六年七月崇祀鄉良志又有筮輔筮璵筮軫

縉紳錄浙江寧波府象山縣典史筮華棟句容人監生十七年八月選

錫按西域人姓也此姓諸書無今補

唐書高宗顯慶元年龜茲大將羯獵顛附于賀魯左屯衛大將軍楊胄伐之敗于泥師城按御覽引唐書于闐國大將羯獵顛為大將軍阿史那社尔所執

斡 此姓諸書無今補

按薛尚印鐘鼎款識有斡克莊周伯溫達兼善諸人之跋斡氏跋云至正元年後五月二十二日在武林驛以潘雲谷墨試張掖劉伯溫所遺黃羊尾毛筆伯溫者名沙刺班由宿衛起家歷監察御史浙江行省左右司郎中江西肅政廉訪使嘗與克莊同預脩遼金宋三史兩公皆河西人當時所稱唐

兀氏也西北之境有黃羊焉相傳西夏有國時嘗取其尾豪為筆歲久止其法伯溫以意命工製之館閣諸公多為賦詩蓋色目之好事者

虞集西夏相斡公画像贊曰公姓斡氏其先靈武人從夏主遷興州世掌夏國史公諱道冲字宗聖八歲以尚書中童子舉長通五經為蕃漢教授譯論語注別作解義二十卷曰論語小義又作周易卜筮斷以其國字書之官至其國之中書宰相嘗尊孔子為至聖文宣帝是以画公像列諸從祀祀其國郡縣之學

宋濂集羅甸宣慰使幹羅思誘播下邑黃平諸寨酋詐為新  
關境土以獻楊漢英

